







庶物類纂花屬卷之七十一目次

鷄冠花

總

埽帚鷄冠

纓絡鷄冠

二色鷄冠

三色鷄冠

五色鷄冠

扇面鷄冠

壽星鷄冠

青葙花

附

老少年

十樣錦

鴈來黃

鷄冠花

一名波羅奢花

致富全書一名洗手花

楓窓小牘

一名

杜若

葦圃

一名一朵雲

間情偶奇

鷄冠花

鷄冠花有埽帚鷄冠有扇面鷄冠有纓絡鷄冠有淡紫深紅純白淡黃四色又有一朵而紫黃各半名鴛鷺鷄冠又有紫白粉紅三色一朵者又有二種五色者最矮名壽星鷄冠扇面者以矮爲貴埽帚者以高爲趣今處處有之三月生苗入夏高者五六尺矮者纏數寸葉青柔頗似白莧菜而窄鞘有赤脈紅者莖赤黃者白者莖青白或圓或扁有筋起五六月莖端開花穗圓長而尖者如青葙之穗扁卷而平者如雄

鷄之冠花大有圍一二尺者層層疊卷可愛穗有小筒子在其中薰細光滑與覓實無異花最耐久霜後始蔫苗花子氣味俱同甘寒無毒主治瘡痔及血病止腸風瀉血赤白痢崩中帶下分赤白用子入藥須
明王鑑正二
如亭羣芳譜

種植清明下種喜肥地用簸箕扇子撒種則成大片高者宜以竹木架定庶遇風雨不摧折卷屈上同

鷄冠花佛書名波羅奢花形高三五尺葉似覓而尖亦可食其花褊而舒長狀類鷄冠有紫白淡紅三色

亦有紅白相間者就中又有如纓絡者各種形狀不二浣花雜志云清明時下子撒過即用糞澆可免雀啄子細黑藏於花中瑣碎錄云種鷄冠子立撒則株高坐撒則株低盛易撒之則如團扇散髮撒之則成纓絡如欲雙色各披半邊紩麻縛之然屢試不驗又有矮鷄冠種自金陵來栽置階下若侏儒然一名壽星鷄冠此花秋深與鴈來紅十樣錦爭奇競秀極爲圃中點綴唯白鷄冠子主治婦人淋症最驗
明周文華致富

全書

鷄冠處處有之。三月生苗入夏高者五六尺、短者纔數寸。其葉青柔頗似白莧菜而窄細有赤脈。其莖赤色或圓或扁有筋起六七尺稍間開花有紅白黃三色。其穗圓長而尖者儼如青葙之穗扁卷而平者儼如雄鷄之冠花大有圍一二尺者層層卷出可愛。子在穗中黑細光滑與莧實一樣其穗如秕麥狀花最耐久霜後始焦。

明李東壁本草綱目

鷄冠菜生田野中苗高尺餘似青莧葉窄小又似山菜葉而窄細間出穗似兔兒尾穗卻微細小開粉紅

花結實如莧菜子苗葉味苦救飢採苗葉燂熟水浸淘去苦氣油鹽調食。

明周憲王救荒本草

吳蜀鷄冠花有一種小者高不過五六寸或紅或淺紅或白或淡白日後庭花。

宋王灼碧谿漫志

雞冠花汴中謂之洗手花。中元節則兒童唱賣以供祖先。今來山中此花滿庭有高及丈餘者。每遙念墳墓涕淚潛然乃知杜少陵感時花溅淚非虛語也。

宋袁

樂楓窓
小牘

鷄冠須矮脚者種磚石砌中其狀有掌片球子纓絡

其色有紫黃白無所不可

明王敬學圃雜疏

鷄冠有婦帝鷄冠有扇面鷄冠有紫白同蒂名二色
鷄冠扇面者以矮爲佳，婦樣者以高爲趣。然下子時
撒高則高，撒低則低也。若三色鷄冠一朵同蒂色分

紫白粉紅亦奇種也。俱收子種，明高濂遵生八牋

鷄冠花俗名波羅奢花，有婦帝鷄冠有扇面鷄冠有
紫白同蒂名二喬鷄冠。有纓絡鷄冠用扇子或婦人
裙子扇面者以矮爲佳，婦樣者以高爲趣。二色鷄冠
一朵同蒂色分紫白各半亦奇種也。更有一種五色

者最短名曰壽星

明王仲遵花史左編

鷄冠花清明下子，則花開成片

上同

鷄冠之白者可治婦人淋疾

上同

宋時汴中謂鷄冠花爲洗手花，中元節前兒童唱賣
以供祖先

上同

解縉嘗侍上側，上命賦鷄冠花詩，縉曰：鷄冠本是燕
脂染，上忽從袖中出，白鷄冠云是白者，縉應聲曰：今
日如何淺淡妝，只爲五更貪報曉。至今戴卻滿頭霜。

同上

人有名箕仙，以白鷄冠請詩者，卽書曰：鷄冠本是燕脂染。其人日誤矣。乃白色者也。復續日洗卻燕脂，似粉妝，只爲五更貪報曉，至今猶帶一頭霜。又有名仙，以紅梅爲題，以儔頭牛爲韻，箕云：雪骨冰肌孰與儔人日所求？乃絳梅非白也。良久，書曰：點些顏色，在枝頭，牧童睡起，朦朧眼錯認，桃林欲放半二詩頗有致，而事絕相類。豈好事者爲之耶？明謝肇淛五雜俎

鷄冠有紅白二色，又有枝上秀出五色者，甚佳。又有水紅者，一名壽星鷄冠，卽矮腳鷄冠，亦有紅白二

色，或云卽玉樹後庭花也。其葉甚肥，可入饌。明王羲之三才圖會

鷄冠有紅白二色，有一枝秀出五色者，甚佳。又有水紅者，又一種名壽星鷄冠，卽矮腳鷄冠，亦有紅白二色，或云卽後庭花也。明陳仁錫潛確居類書

杜若有紅白二色，更有一花三色者，又有中大四圍小者，名一將領千兵，俗呼鷄冠。夏且药圃同春

鷄冠秋生紫色，如鷄冠之狀，亦有白者。八閩通志

鷄冠莖高二五尺，其葉似蕡，而尖，其花扁而舒張，狀

類鷄冠有紅白二色其子細黑藏於花中
邵武府志

鷄冠幹末爲花如鷄冠狀有紅白二種
泉州府志

鷄冠有紫白二種亦有一本兼紅白二色者
福州府志

鷄冠有紅白二色山谷詩云紫冠黃鉗網絲窠
江陰縣志

鷄冠佛晝謂之波羅奢閩中記日秋生紫色如繡畫
雞冠之狀亦有白色本草稱坐種則矮立種則與人
齊然矮者自是別種今又一種中間大枝花最大錯
出可愛旁枝皆花四垂環拱俗名垂絲雞冠
海澄縣志

雞冠紅白二色似雞冠和酒炒銷痔
雷州府志

雞冠紅白紫三種白者可治童子額疽
福寧州志

雞冠有紅白長矮四種花如雞冠
九江府志

鷄冠花亦有白者
紹興府志

鷄冠清明撒子撒高則高撒低則低盛扇撒之則如
團扇散髮撒之則成瓔珞白者治婦人淋症赤痢用
紅花白朮用白花皆酒煎服可効
清石巖逸叟增定致富奇書

鷄冠花一名波羅奢隨處皆有三月生苗高者五六
尺其矮種只三寸長而花可大如盤有紅紫黃白豆
綠五色又有鴛鴦二色者又紫白粉紅三色者皆宛

如鷄冠之狀，扇面者惟稍間一花，最大層層卷出，可愛。若婦帚鷄冠宜高而多頭，又名纓絡，花尖小而雜亂如帚。又有壽星鷄冠以矮爲貴者，鷄冠似花非花，開最耐久，經霜始焉俱收子種，撒下即用糞澆，可免。

蠶食

清陳淏子
祕傳花鏡

鷄冠有瓔珞、翦絨、繡球、團扇、壽星、五色百鳥朝王諸種，扇面者以矮爲佳，鳳尾者以高爲趣，二色者一蒂而分紫白黃，亦奇種也。白者治婦人淋疾，清沈賦
名花譜

下子法清明撒子用扇子或婦人裙子撒之則花開

成片高撒則花高低撒則花低

同上

予有收鷄冠花子一絕云：指甲搔花碎紫雯，雖非異卉也，芳芬時防撮卻還珍惜，一粒明年一朵雲。此非溢美之詞，道其實也。花之宜形者儘多，如繡球、玉簪、金錢、蝴蝶、翦春羅之屬皆能酷似，然皆塵世中物也。能肖天上之形者獨有鷄冠花一種，氤氳其象，而皎潔其文，就上觀之，儼然慶雲一朵，乃當日命名者，舍天上極美之物而搜索人間，鷄冠雖肖然而賤視，花容矣。請易其字曰「一朵雲」，此花有紅紫黃白四色，紅

者爲紅雲、紫者爲紫雲、黃者爲黃雲、白者爲白雲、又有一種五色者、卽名爲五色雲、以上數者較之、鷄冠誰榮、誰辱、花如^{有知}必將德我、清李漁間情偶奇

婦帚鷄冠

婦帚鷄冠

鷄冠花有婦帚鷄冠明王盡臣二

婦帚者以高爲趣同上

纓絡鷄冠

一名垂絲鷄冠

海澄縣志

纓絡鷄冠

鷄冠花有纓絡鷄冠

明王盡臣二如亭羣芳譜

鷄冠花又有如纓絡者

明周文華致富全書

鷄冠今又一種中間大枝花最大鎔出可愛旁枝皆

花四垂環拱俗名垂絲鷄冠

海澄縣志

鷄冠花若埽帚鷄冠宜高而多頭又名纓絡花尖小

而雜亂如帚

清陳淏子祕傳花鏡

鷄冠扇面者以矮爲佳鳳尾者以高爲趣

清沈賦名花譜

二色鷄冠

一名鴛鴦鷄冠

羣芳譜

花史

一名二喬鷄冠

花史左編

一色鷄冠

鷄冠花、又有一朵而紫黃各半、名鴛鴦鷄冠、明王盡臣二如

亭羣芳譜

鷄冠花亦有紅白相間者、

明周文華致富全書

二色鷄冠、一花中分紫白二色、同出一蒂、

明高濂遵生八牋

鷄冠有紫白同蒂、名二色鷄冠、同上

鷄冠花有紫白同蒂、名二喬鷄冠、明王仲遵花史左編

二色鷄冠、一朵同蒂色分紫白各半、亦奇種也、同上

鷄冠有紫白二種、亦有一本兼紅白二色者、福州府志

無物類纂

卷之二

花屬

二色鷄冠

二

鷄冠花又有鴛鴦二色者清陳淏子
祕傳花鏡
鷄冠花一色者一蒂而分紫白黃者亦奇種也清沈名賦

花譜

三色鷄冠

三色鷄冠

鷄冠花又有紫白粉紅三色一朵者

明王盡臣二
如亭羣芳譜

鷄冠花有紫白淡紅二色

明周文萃
致富全書

若三色鷄冠一朵同蒂色分紫白粉紅亦奇種也

明
高

濂遵生
八歲

杜若有紅白二色更有一花三色者又有中大四圍

小者名一將領千兵俗呼鷄冠

夏旦薦
圃同春

鷄冠花有鴛鴦二色者又紫白粉紅三色者

清陳淏
子祕傳

花
鏡

五色鷄冠

五色鷄冠

鷄冠花又有一種五色者

明王鑑臣二
如亭羣芳譜

鷄冠又有一枝上秀出五色者甚佳

明王思義
三才圖會

鷄冠花又有一種五色者卽名爲五色雲

清李漁間
情偶奇

扇面鷄冠

扇面鷄冠

鷄冠花有扇面鷄冠

明王鑑臣二

芳譜

扇面者以矮爲實

同上

謹按遵生八牋貴作佳

鷄冠花扇面者惟稍間一下花最大層層卷出可愛

陳清

溟子祕傳花鏡

壽星鷄冠

一名玉樹後庭花羣芳譜 一名矮腳鷄冠三才圖會

壽星鷄冠

鷄冠花最矮名壽星鷄冠

明王鑑臣二
如亭羣芳譜

鷄冠花更有一種五色者最短名日壽星

同上

矮鷄冠或云卽玉樹後庭花

蘇子由詩
註○同上

鷄冠又有矮鷄冠種自金陵來栽置階下若侏儒然

一名壽星鷄冠

明周文華
致富全書

吳蜀鷄冠花有一種小者高不過五六寸或紅或淺

紅或白或淺白目日後庭花

宋王灼碧
谿漫志

鷄冠有紅白二色又有一枝上秀出五色者甚佳又

有水紅者、一名壽星鷄冠、即矮腳鷄冠、亦有紅白二色、或云即玉樹後庭花也、其葉甚肥、可入饌、明王思義三才圖會

鷄冠、又有二種、矮者高僅四五寸許、花亦相類、蒲人呼爲玉樹後庭花、邵武府志

海澄縣志

雞冠、本草稱坐種、則矮立種、則與人齊、然矮者自是

別種、海澄縣志

雞冠、紅白二色、又莖短僅尺許、日壽星、重修靖江縣志

鷄冠花、其矮種、只三十長、而花可大如盤、清陳淏子秘傳花鏡

青葙花

一名草決明、神農本草

本草

一名草蒿、同上

同上

一名蕘蒿、同上

一名崑崙草、唐本草

唐本草

一名野鷄冠、本草

本草

一名鷄冠、綱目

冠莧、同上

青葙花

青葙子生平谷道傍今江淮州郡近道亦有之二月內生青苗長三四尺葉闊似槐莖似蒿青紅色六月七月內生花上紅下白子黑光而扁有似荳蔻根似蒿根而白直下獨莖生根六月八月採子又有二種花黃名陶珠術苗亦相似恐不堪用之本草圖經

青葙名義未詳胡麻葉亦名青蘘此草又多生于胡麻地中與之同名豈以其相似而然耶青蒿亦名草蒿其功相似而名亦相同何哉其子明目與決明子

同功故有草決明之名其花葉似雞冠嫩苗似莧故謂之雞冠莧鄭樵通志言俗名牛尾蒿者誤壁本草綱目

謹按本草綱目胡麻葉名青葙音葙正字通云葙與蘘別李時珍言胡麻葉亦名青葙字譌作蘘舊註又與葙同青葙藥名合蘘葙爲一尤誤

青葙生田野間嫩苗似莧可食長則高三四尺苗葉花實與雞冠花一樣無別但雞冠花穗或有大而扁或圓者此則稍間出花穗尖長四五寸狀如兔尾水

紅色亦有黃白色者子在穗中與雞冠子及莧子一樣難辨蘇恭言其結角誤矣蕭炳言黃花者名陶珠術與陳藏器所說不同又有天靈草亦此類也同上

寇氏曰青葙出江淮州郡近道亦有之生平谷道旁及田野下溼處其花葉似雞冠嫩苗似莧故謂之雞冠莧二月抽青色苗可食漸長至三四尺莖色青紅若蒿狀葉闊似桺而軟六七月生花上紅下白作實生根近時指雞冠花子爲青葙子誤矣○李氏曰青

箱苗葉花實與雞冠花一樣無別，但雞冠花穗或有大而扁或團者，此則稍間生花穗，尖長四五寸，狀如兔尾，水紅色亦有黃白色者，子在穗中與雞冠子及覓子一樣難辨。蘇氏言其結莢者非明倪朱謨本草彙言。

青葙子野雞冠

重修鎮江府志

青葙子即白雞冠花子

瓊州府志

青葙子即雞冠花

清張璐本經逢原

謹按青葙花雞冠花其種微有別以爲一物誤也。青葙之於雞冠當一類也。○繩目分二條以青葙爲

艸蒿爲崑崙艸子亦名決明非莢也。青葙雞冠一物但分家雞冠野雞冠耳。如鴈來紅余亦以爲春不老也。楓窓小牘曰雞冠花汴中謂之洗手花。中元節兒童唱賣以供祖先。智通雅

青葙生田野間本高三四尺苗葉花實與雞冠花無異但雞冠形狀有團扁尖長之異此則稍間出花穗長四五寸形如兔尾水紅色亦有黃白色者

清陳淏子祕傳

花鏡

老少年

一名鴈來紅

羣芳譜

一名映日紅

致富全書

一名老

來紅

福寧州志

一名漢宮秋

嘉興縣志

一名春不老

雅通

一名秋色

閒情偶奇

一名還童草

同上

老少年

老少年，一名鴈來紅。至秋深，腳葉淡紫，而頂葉嬌紅。與十樣錦俱以子種，喜肥地。正月撒於耨熟肥土上，加毛灰蓋之，以防蟻食。二月中即生，亦要加意培植。若亂撒花臺，則蚜蟲傷葉，則不生矣。譜云：純紅者老少年，紅紫黃綠相兼者名錦西風，又名十樣錦，又名錦布衲。以鷄糞壅之，長竹扶之，可以過牆。一種俱壯。

秋色明王盡臣二如亭羣芳譜

鴈來紅俗呼老少年。春分下種，出後移栽，高六七尺。

感秋氣其萃端新葉層簇鮮紅可愛愈久愈妍別有純黃者癸辛雜識云鴈來紅卽藿也毘陵志云鴈來紅似藿而葉端色黃卽玉樹後庭花又一種名映日紅其葉盡赤據此乃知似藿而葉端色黃者蓋指十樣錦而映日紅則老少年無疑矣二種相類故其名易混十樣錦葉綠初出時與覓無辨秋深秀出新葉紅黃相間老少年葉初出後乃正紅二種花細獨取其葉子著枝間經霜則悴子落自出亦不必分裁周子羽題鴈來紅詩曰翔鴈南來塞草秋未霜紅葉已

先愁綠珠宴罷歸金谷七尺珊瑚夜不收說者以爲絕唱老少年葉可治鼻渊擣爛取汁滴入鼻中浣花雜志曰凡秋色其根最淺待苗長尺許卽鋤土壅之雨過再壅土高至五六寸其本始固秋間風雨無傾倒之虞喜在肥地明周文華致富全書

鴈來紅莖葉穗子並與鷄冠同其葉九月鮮紅望之如花故名吳人呼爲老少年一種六月葉紅者名十樣錦明李東壁本草綱目

老少年別種有秋黃十樣錦須雜植之真如錦織成

矣。明王敬美

學圃雜疏

鴈來紅以鴈來而色嬌紅老少年至秋淡腳葉淡紫而頂紅明高濂遵生八牋

老少年至秋淡腳葉淡紫而頂葉嬌紅與十樣錦俱以子種在正月候撒於耨熟肥土上加毛灰蓋之恐妨蠻食二月中卽生亦要加意培植扶持若亂撒花臺則蚜蟲傷葉卽不生矣譜云純紅者老少年紅黃綠相兼者名錦西風以鷄糞壅之長竹竿扶之可以過牆明王仲達花史左編

後庭花一名鴈來紅人家園圃多種之葉似人覓葉其葉中心紅色又有黃色相間亦有通身紅色者亦有紫色者莖葉間結實比覓實差大其葉衆葉攢聚狀如花朵其色嬌紅可愛故以名之味甜微澀性涼救飢採苗葉焯熟水浸淘淨油鹽調食曬乾煤食尤佳明徐光啓農政全書

玄扈先生曰覓屬也可作恆蔬同上

鴈來紅絕似芥菜五色相間聞鴈則盛故名浙人呼

漢宮秋福州府志

鴈來紅似覓而大經霜則莖杪嫩葉猩紅最媚故名老少年一種葉紅紫綠間色名十樣錦江陰

縣志

鴈來紅俗名老少年重修鎮江府志

漢宮秋一名老少年一名鴈來紅至秋則變爲紅色

亦間有黃者

嘉興縣志

鴈來紅俗呼老少年春分下種出後移栽其葉初生時即純紅又一種葉綠初出時與覓無異秋深秀出新葉紅黃相間者名爲十樣錦周子羽題鴈來紅詩云翔鴈南來塞草秋未霜紅葉已先愁綠珠宴罷歸

金谷七尺珊瑚夜不收說者以爲絕唱清石巖逸叟增定致富奇書

老少年一名鴈來紅初出似覓其莖葉穗子與鷄冠無異至深秋本高六七尺則腳葉深紫色而頂葉太紅鮮麗可愛愈久愈妍如花秋色之最佳者又有二種少年老則頂黃紅而腳葉綠之別收子時須記明色樣則下子時間雜而種秋來五色眩目可觀清陳淏子

祕傳

花鏡

秋色有老少年十樣錦鴈來紅鴈來黃錦西風諸種

事物類纂

卷之二

花屬

老少年

五

俱雜色相間，丰姿鮮麗，園亭多得此庶，不見秋容之

宋冥，清沈賦

名花譜

下子法正月候，撒子於耨熟肥土中，如恐蠭食以毛灰，蓋之性喜潔惡肥，宜以河水澆之。同上

老少年此草一名鴈來紅，一名秋色，一名老少年，皆欠妥切，鴈來而紅者尚有蓼花一種，經秋弄色者又不一而足，皆屬泛稱。惟老少年三字相宜，而又病其俗，予嘗易其名曰還童草，似覺箋勝，此草中仙品也。秋始得此，羣花可廢，此草植之者繁觀之者衆，然但

知其二，未知其一，予嘗細玩而得之，蓋此草不特于一歲之中經秋更媚，卽一日之中亦到晚更媚，總之後勝于前，是其性也。此意向矜獨得及閻徐竹隱詩，有葉從秋後變色向晚來紅，一聯不知確有所見，如予知其晚來更媚乎，抑下句仍同上句，其晚亦指秋乎，難起尤原而問，卽謂先予一著可也。清李漁間情偶奇

十樣錦

一名錦西風

羣芳譜○花鏡同嘉興縣志作西風錦

一名錦布

衲同上

一名玉樹後庭花

致富全書

一名漢宮秋

福州

府志

十樣錦

譜云純紅者老少年紅紫黃綠相兼者名錦西風又名十樣錦又名錦布衲以鷄糞壅之長竹扶之可以過牆二種俱壯秋色明王盡臣二如亭羣芳譜

鴈來紅別有純黃者癸辛雜識云鴈來紅即藿也晁陵志云鴈來紅似藿而葉端色黃卽玉樹後庭花又一種名映日紅其葉盡赤據此乃知似藿而葉端色黃者蓋指十樣錦而映日紅則老少年無疑矣二種相類故其名易混十樣錦葉緣初出時與覓無辨秋

淡秀出新葉紅黃相間老少年葉初出後乃正紅二種花細獨取其葉子著枝間經霜則悴子落自出亦不必分裁

明周文華致富全書

鴈來紅一種六月葉紅者名十樣錦

明李東壁本草綱目

十樣錦枝頭亂葉有紅紫黃綠四色故名其鴈來紅以鴈來而色嬌紅老少年至秋深腳葉淡紫而頂紅少年老頂黃而葉綠收子撒於耨熟肥土中加毛灰蓋之恐防蟻食一月中卽生

明高濂遵生八牋

十樣錦枝頭亂葉有青紅紫黃綠雜色故名其鴈來

紅以鴈來而色嬌故名非一種二名也

明王仲遵花史左編

鴈來紅絕似荇菜五色相間聞鴈則盛故名浙人呼

漢宮秋

福州府志

鴈來紅一種黃紅紫綠間色名十樣錦

江陰縣志

西風錦至秋其色紅黃綠相雜如錦故名

嘉興縣志

鴈來紅又一種葉綠初出時與莧無異秋淡秀出新

葉紅黃相間者名爲十樣錦

清石巖逸叟增定致富奇書

十樣錦一名錦西風葉似莧而大枝頭亂葉叢生有紅紫黃綠相兼因其色雜出故名十樣錦春分撒子

於肥土中，蓋以毛灰，庶無蟻食之患。苗生後，以鷄糞壅之，長竹桿扶之，可過于牆。夏末即有紅葉矣。大凡秋色，其根入土最淺。俟苗長一二尺，即宜土壅。雨過再壅，則無風傾之虞矣。清陳淏子
祕傳花鏡

鴈來黃

一名少年老，遵生八牋

鴈來黃

少年老頑黃而葉綠

明高濂遵生八牋

鴈來黃卽老年之類每於鴈來之時根下葉仍綠而原上葉純黃其黃更光彩可愛非若老葉黃落者比收子下種法一如老年以上數種秋色全在乎葉亦須加意培植扶持若使蜉蝣傷敗其葉便減風味矣

清陳淏子祕傳花鏡

老少年又有一種少年老則頑黃紅而腳葉綠之別

同上

庶物類纂花屬卷之七十二目次

杜若

雙鸞菊

杜若

一名杜蘅神農本草 一名杜蓮別錄 一名白蓮同上

一名白芩同上 一名若芝同上 一名紅豆蔻桂海虞衡志

一名高良薑補談筆 一名山薑花同上 一名楚

蘅昆蟲草 一名獮子薑本草綱目 一名蠻薑同上

名摩花八閩通志 一名倪葉興化府志

俗名耶埋密也烏革

丹後州

杜若

杜若生武陵川澤及寃句今江湖多有之葉似薑花赤色根似高良薑而小辛味子如豆蔻二月八月採根暴乾用謹按此草一名杜蘅而中品自有杜蘅條杜蘅爾雅所謂土鹵者也杜若廣雅所謂楚蘅者也其類自別然人多相雜引_{九歌}云采芳洲兮杜若又離騷云雜杜蘅與芳芷王逸輩皆不分別但云香草也古方或用而今人罕使故亦少有識之者本草圖經高良薑舊不載所出州土陶隱居云出高良郡今嶺

南諸州及黔蜀皆有之。內郡雖有而不堪入藥。春生莖葉如薑苗而大高一二尺許。花紅紫色如山薑。二月三月採根暴乾。古方亦單用治忽心中惡口吐清水者取根如骰子塊含之。嚥津遂巡卽瘥。若臭亦含嚥更加草豆蔻同爲末煎湯常飲之。佳上。

杜若人無識者今楚地山中時有之。山人亦呼爲良薑根似薑味亦辛甄權註豆蔻所謂獮子薑蘇頌圖經外類所謂山薑皆此物也。或又以大者爲高良薑細者爲杜若。唐時峽州貢之。明李東壁本草綱目

山薑花莖葉卽薑也。根不堪食。子葉閒吐花從穗如麥粒軟紅色煎服之治冷氣甚效。出九真交趾。晉嵇含南

方草木狀

紅豆蔻花叢生葉瘦如碧蘆春末發初開花先抽一幹有大籜包之。籜解花見一穗數十蕊淡紅鮮妍如桃杏花色蕊重則下垂如蒲萄又如火齊繅絡及翦綵鸞枝之狀。此花無實不與草豆蔻同種。每蕊心有兩瓣相並。詞人托興曰比目連理。云宋范成大桂海虞衡志

宋謝朓詩云芳州多杜若貞觀中醫局求杜若度支

郎乃下芳州令貢州判司報云芳州不出杜若應由謝眺詩誤太宗聞之大笑判司改雄州司法度支郎免官唐劉餗隋

免官唐嘉話

唐正觀中敕下度支求杜若省郎以謝眺詩云芳州採杜若乃責坊州貢之當時以爲強笑至如唐故事中書省中植紫薇花何異坊州貢杜若然歷世循之不以爲非至今舍人院紫薇閣前植紫薇花用唐故事也

宋沈存中
夢溪筆談

杜若卽今之高良薑後人不識又別出高良薑條如

赤箭再出天麻條天名精再出地菘條燈籠艸再出苦耽條如此之類極多或因主療不同蓋古人所書主療皆多未盡後人用久漸見其功主療浸廣諸藥例皆如此豈獨杜若也後人又取高良薑中小者爲杜若正如用天麻蘆頭爲赤箭也又有用北地山薑爲杜若者杜若古人以爲香艸北地山薑何嘗有香高良薑花或穗芳華可愛土人用鹽梅汁淹以爲菹南人亦謂之山薑花又曰豆蔻花本艸圖經云杜若苗似山薑花黃赤子赤色大如棘子中似豆蔻出峽

山嶺南北，正是高良薑。其子乃紅蔻也。騷人比之蘭芷，然藥品中名實錯亂者至多。人人自主一說，亦莫能堅決。不患多記以廣異同。宋沈存中補筆談

杜若一名杜蘅。苗似山薑，花黃赤，子大如棘。九歌湘君曰：采芳洲兮杜若，將以遺兮下女。湘夫人云：擣汀洲兮杜若，將以遺兮遠者。杜若之爲物，令人不忘，攀采而贈之，以明其不相忘也。

宋謝翹楚辭芳草譜

杜若日杜蘅。日杜連日白蓮。日白芩。日若芝。日楚蘅。根葉似山薑，花似豆蔻。騷人多取喻焉。故楚辭云：山

中人兮芳杜若。九歌云：採芳洲兮杜若，又離騷云：雜杜蘅與芳芷。唐貞觀中敕下度支求杜若，省郎以謝元暉詩云：芳洲採杜若，乃責坊州貢之。當時以爲強笑。

宋鄭夾漈昆蟲草木略

唐詩紅豆生南國，又豆蔻稍頭二月初。按桂海虞衡志：紅豆蔻花叢生，葉瘦如碧蘆，春末發，初開花先抽，一幹有太釋包之，釋拆花見，一穗數十蕊，淡紅鮮妍，如桃杏花色，蕊重則垂，如蒲萄，又如火齊纓絡及剪綵鸞枝之狀。此花無實，不與草豆蔻同種，每蕊心有

兩瓣相並，詞人托興，如比目連理，云亦可以證用。修駁豆蔻花之誤。明王元美
宛委餘編

謹按楊升菴文集云：杜牧之詩：婷婷嫋嫋十三餘。豆蔻稍頭二月初。劉孟熙謂本草云：豆蔻未開者謂之含胎花。言少而嫩也。其所引本草是言少而嫩非也。且牧之詩本詠媚女，言其美而且少，未經事人。如豆蔻花之未開耳。此爲風情言，非爲求嗣言也。若倡而娠，人方厭之，以爲綠葉成陰矣。何事入咏乎？

紅豆花開一穗十蕊，纍纍下垂，色妍桃杏。其葉瘦如蘆，亦可觀也。明高濂遵生八牋

紅豆蔻叢生，葉如箬葉而厚，花開一穗數十蕊，淡紅色，重則下垂，如葡萄然，俗呼名摩花。又一種山摩柔韌，可爲繩。八牋通志

高良薑春生莖葉如薑苗而大，花紅紫色。同上

良薑扁葉紫花子爲紅豆蔻，土產不多結子。重修靖江縣志杜若葉青而長，花白心黃，花葉俱香，俗呼祝葉，聲相近訛耳。興化府志

高良薑、青蓮色

松江府志

高良薑出儋州昌化

瓊州府志

紅豆蔻即草果仁解酒毒

同上

謹按紅豆蔻即高良薑子與草果各別

杜若即高良薑○補筆談曰杜若即今之高良薑後人不識又別出高良薑條高良薑花或穗芳華可愛土人用鹽梅汁淹以爲菹南人亦謂山薑花又曰豆蔻花本艸圖經云杜若苗似山薑花黃赤子赤色大如棘子中似豆蔻出峽山嶺南北正是高良薑其子

乃紅蔻也南楚見人采高良薑乃似巴茆或高州有此種今虔州以青皮樹爲杜若葉冬不凋樹皮燒之香

清方以智通雅

莖葉皆名若槲若杜若禾若丹若是也杜若非杜蘅也○槲若療血痢止渴木高丈餘若其葉也與櫟似斗小不中用杜若見楚辭別名白芩白連杜連一名杜蘅而非杜蘅葉似薑花赤色根似高良薑子如豆蔻杜蘅味辛苗葉都似細辛一名馬蹄香今俗以及已代之非也山海經曰天帝之山草如葵可以走馬

食之已癰，言馬得之而健。丸以作浴湯，衣香甚佳。非杜若也。王逸注楚辭，全混今或謂紅蔻爲杜若。或呼青皮香樹爲杜若。說文蘇把取禾若也。又曰禾若袂，攘也。則禾稻亦謂之若。石榴謂之丹若。南史朱百季伐蕪采若。上同

杜若一名杜蓮。一名山薑。生武陵川澤。今處處有之。葉似薑而有文理。根似高良薑而細。味極辛香。又似旋菴花根者真杜若也。花黃子赤大如棘子。中似豆蔻。今人以杜蘅亂之。非以藍菊名之。更非清陳淏子祕傳花鏡

紅豆蔻。嶺南多有之。其苗似蘆葉類山薑。二三月發花。俗穗房。生於莖下。嫩葉卷之而生。初如芙蓉花。微紅穗頭色略淡。其葉漸廣。則其花漸出。漸淡。亦有黃白色者。子若紅豆而圓。上同

陶氏云此薑始出高良郡。故名。今嶺南諸州浙閩諸處及黔蜀皆有之。春末始發葉叢生葉瘦如碧蘆。未開花先抽一幹。有大釋色之釋折花見一穗數十蕊。淡紅鮮妍如桃杏花蕊重則下垂如葡萄。又如火齊瓔珞。及剪綵鸞枝之狀。有花無實不與草豆蔻同種。

每蕊有兩瓣相並，如比目連理也。○蘇氏曰：出嶺南者，形大虛軟，出江左者細緊，亦不甚辛。其色則二十三月采根，形氣與杜若相似。春生莖葉，如山薑，莖高一尺，花紅紫色，如山薑花，結子名紅豆蔻。明倪朱謨本草彙言山薑花莖葉與薑無異，根不堪食。葉間吐花，俗穗，如麥粒，軟紅色，蕊含草木疏，煎服之治冷疾，出九真交趾。按此物吾郴有之，鄉人釀浸俗菜茹。明何孟春餘冬序錄

雙鸞菊

一名芨。爾雅一名董草。上同一名烏頭。郭璞爾雅註一名奚毒。神農本草一名卽子。同上一名烏喙。上同一名耿子。本草綱目一名毒公。同上一名帝秋。同上。蓬木略。帝作牛一名金鴉。同上一名茛。同上一名獨白草。按昆蟲草頭。同上一名鴛鴦菊。同上一名兩頭尖。同上一名草烏。昆蟲草頭。同上一名果負。木略

俗名禿利革勿篤

雙鸞菊

芨、堇草爾雅○芨音急堇音斬

卽烏頭也江東呼爲堇晉郭璞爾雅註

芨、一名堇草郭云卽烏頭也江東呼爲堇音鄧案詩太雅云堇茶如飴又晉語驪姬將譖申生寘鵝於酒寘堇於肉賈逵曰堇烏頭也然則堇者其烏頭乎嫌讀爲堇草之堇故音之宋邢昺爾雅疏

烏頭也郭云江東呼爲堇宋鄭夾漈爾雅註

烏頭、烏喙生朗陵山谷天雄生少室山谷附子側子

所產其種出於龍州種之法冬至前先將肥瘦陸田耕五七遍以豬糞糞之然後布種逐月耘耔至次年八月後方成其苗高三四尺以來莖粗四稜葉如艾花紫碧色伦穗實小子黑色如桑葚本只種附子一物至成熟後有此四物收時仍一處造釀方成釀之法先於六月內踏造太小麪麴至收採前半月預先用太麥煮成粥後將上件麴造醋候熟淋太糟其醋不用太酸酸則以水解之便將所收附子等太公根須於新潔瓮內淹浸七日每日攪一下遍日足擗出以彌

疎節攤之令生白衣後向慢風日中曬之百十日以透乾爲度若猛日曬則皺而皮不附肉其長三寸者爲天雄割削附子傍尖芽角爲側子附子之絕小者亦名爲側子元種者母爲烏頭其餘太小者皆爲附子以八角者爲上如方藥要用須炮令裂去皮膚使之綿州彰明縣多種之惟赤水一鄉者最佳然收採時月與本經所說不同蓋今時所種如此其内地所出者與此殊別今亦稀用謹按本經冬採爲附子春採爲烏頭而廣雅云奚毒附子也一歲爲薊與側同

子二歲爲烏喙，三歲爲附子，四歲爲烏頭，五歲爲天
雄。今一年種之便有此五物。豈今人種蒔之法用力
倍至，故爾繁盛也？雖然藥力當緩於歲久者耳。本草圖經
附子初種爲烏頭象烏之頭也。附烏頭而生者爲附
子，如子附母也。烏頭如芋魁附子如芋子，蓋一物也。
別有草烏頭白附子，故俗呼此爲黑附子。川烏頭以
別之。諸家皆混雜註解，今悉正之。明李東壁本草綱目

烏頭有兩種出彰明者卽附子之母。今人謂之川烏
頭是也。春末生子，故曰春采爲烏頭。冬則生子已成。

故日冬采爲附子，其天雄烏喙側子皆是。生子多者
因象命名，若生子少及獨頭者卽無此數物也。其產
江左山南等處者乃本經所列烏頭，今人謂之草烏
頭者是也。故日其汁煎爲射罔。陶弘景不知烏頭有
三，以附子之烏頭註射罔之烏頭，遂致諸家疑貳，而
雷斅之說尤不近理。宋人楊天惠著附子記甚悉。今
據其要讀之可不辨而明矣。其說云綿州乃故廣漢
地領縣八，惟彰明出附子。彰明領鄉二十，惟赤水、廉
水、昌明、會昌四鄉產附子，而赤水爲多。每歲以上田

熟耕，從壟，取種，於龍安龍州齊歸木門青墟小坪，諸處，十一月播種，春月生苗，其莖類野艾而澤，其葉類地麻，而厚，其花紫瓣黃蕊，長苞而圓，七月采者謂之早水，拳縮而小，蓋未長成也，九月采者乃佳，其品凡七，本同而末異，其初種之小者爲烏頭附，烏頭而旁生者爲附子，又左右附，而偶生者爲兩子附，而長者爲天雄附，而尖者爲天錐附，而上出者爲側子附，而散生者爲漏籃子，皆脈絡連貫，如子附母，而附子以貴，故專附名也，凡種一而子六七以上，則皆小種一。

而子二三，則稍大，種一而子特生，則特大，附子之形，以蹲坐正節角少者爲上，有節多，鼠乳者次之，形不正，而傷缺風皺者爲下，本草言附子八角者爲良，其角爲側子之說甚謬矣，附子之色，以花白者爲上，鐵色者次之，青綠者爲下，天雄烏頭天錐，皆以豐實盈渥者爲勝，漏籃側子，則園人以乞役夫，不足數也，謹按此記所載漏籃側子，則雷敷所謂木籠子，太明所謂虎掌者也，其肩子，卽烏喙也，天錐，卽天雄之類，醫方亦無此名，功用當相同爾，同上

烏頭此卽烏頭之野生于佗處者俗爲之草烏頭亦曰竹節烏頭出江北者曰淮烏頭日華子所謂土附子者是也烏喙卽偶生兩岐者今俗呼爲兩頭尖因形而名其實乃一物也附子天雄之偶生兩岐者亦謂之烏喙功亦同于天雄非此烏頭也蘇恭不知此義故反疑之草烏頭取汁曬爲毒藥射禽獸故有射网之稱後魏書言遼東塞外秋收烏頭爲毒藥射禽獸陳藏器所引續漢五行志言西國生獨白草煎爲藥敷箭射人卽死者皆此烏頭非川烏頭也菊譜云

鴛鴦菊卽烏喙苗也

同上

烏頭處處有之根苗花實並與川烏頭相同但此係野生又無釀造之法其根外黑內白皺而枯燥爲異爾然毒則甚焉段成式酉陽雜俎言雀芊狀如雀頭置乾地反溼溼地反乾飛鳥觸之墮委獸遇之僵有牧靡草烏鵲誤食烏喙中毒必急食此草以解之牧靡不知何藥也

同上

公曰晉人患冷疾用金石藥與土相和爲末種韭因論附子茯苓之性公曰附子不可常餌予曰是二藥

正如君子小人之性所養彌久則所存彌厚如歲寒之松柏根節葉實膏脂皆能卻老輕身其精氣靈液入于地中千歲爲茯苓又千歲爲琥珀又千歲爲堅狀如黑玉小人反是積小惡以至太害如烏頭其銳而脩者爲天雄而兩岐者爲烏喙岐而八角老者爲附子八角又別名側此數者其名異而一種大抵愈久而愈毒至於發爲苗幹尚能殺人葷是也公異之

宋劉廷世
孫公談圃

附子生綿州彰明縣者最良有一子重及一兩者花

色紫本草言附子無正種附烏頭而生然則與烏頭天雄附子共一物耳陶弘景以天雄烏頭附子皆出建平謂之三建唐人非之以綿龍二州所生爲良今則彰明者佳附董而生翠莖紫蕤生蜀者良三建則非宋宋祁益部
方物略記

三建湯所用附子川烏天雄而莫曉其命名之義比見一老醫云川烏建上頭目之風虛者主之附子建中脾胃寒者主之天雄建下腰腎虛憊者主之此說亦似有理復因觀謝靈運山居賦日三建異形而同

出蓋三物皆丁種類一歲爲前子二歲爲烏喙三歲爲附子四歲爲烏頭五歲爲天雄是知古藥命名皆有所本祖也

宋周公謹癸辛雜識前集

綿州故廣漢地領縣八惟彰明出附子彰明領鄉二十惟赤水廉水會昌昌明宜附子總四鄉之地爲田五百二十頃有奇然稅稻之田五菽粟之田三而附子之田止居其二焉合四鄉之產得附子一十六萬斤已上然赤水爲多廉水次之而會昌昌明所出微甚凡上農夫歲以善田代處前期輒空田一再耕之

蔣齊麥若巢穢中比苗稍壯并根葉耨覆土下後耕如初乃布種每畝用牛十耦用糞五十斛七寸爲籠五寸爲符終畝爲符二十爲籠千一百籠從無衝澗亦如之又以其餘爲溝爲涂春陽潰盈丁壯畢出疏整符籠以需風雨雨過輒振拂而駢持之既又挽草爲援以御短日其用工力比它田十倍然其歲獲亦倍稱成之凡四鄉度用種千斛以上出龍安及龍州齊歸木門青趙小平者良其播種以冬盡十一月止采擷以秋冬九月止其莖類野艾而澤其葉類地麻

而厚其花紫葉黃莊長苞而圓蓋其實之美惡視功之勤窳以故富室之人常美貧者雖接畛或不盡然又有七月采者謂之早水拳縮而小蓋附子之未成者然此物謂畏惡狼多不能常熟或種美而苗不茂或苗秀而不充或以釀而腐或以暴而攢若有物焉陰爲之故園人將采常禱於神或自爲藥妖云其釀法用醯醅安密室淹覆彌月乃發以時暴涼久乾定方出釀時其大有如拳者已定不輒盈渥故及兩者極難得蓋附子之品有七實本同而末異其種之化

爲烏頭附烏頭而傍生者爲附子又左右附而偶生者爲兩子又附而長者爲天雄又附而尖者爲天錐又附而上者爲荊子又附而散者爲漏籃出皆脈絡連貫如子附母而附予以貴故獨專附名自餘不得與焉凡種一而子六七以上則其實皆小種一而子二三則其實稍大種一而子特生則其實特大此其凡也附子之形以蹲坐正節角少爲上有節氣多鼠乳者次之形不正而傷缺風皺者爲下附子之色以花白爲上鐵色次之青綠爲下天雄烏頭天錐以豐

實過猩爲勝而漏籃側子園人以乞役夫不足數也。大率蜀人餌附子者少惟陝輔閩浙寘之陝輔之賈纔市其下者閩浙之賈纔市其中者其上品則皆士大夫求之蓋貴人金多喜奇故非得大者不厭然士人有知藥者云小者固難用要之半兩以上皆良不必及兩乃可此言近之按本經及志載附子出犍爲山谷及在山南嵩高齊魯間以今攷之皆無有誤矣又曰春采爲烏頭冬采爲附子大謬又云附子八角者良其角爲側子愈大謬與余所聞絕異蓋所謂盡

信書不如無書者類耶以上皆楊說古涪既刪取其略著十篇然又云天雄與附子類同而種殊附子種近類漏籃天雄種如香附子凡種必取土爲槽俗傾邪之處勢下廣而上狹寘種其間其先也與附子絕不類雖物性使然亦人力有以使之此又楊說所不及也審如志言則附子與天雄非一本矣楊說失之本草圖經與此小異廣雅云奚毒附子也一歲爲前與側同子二歲爲烏喙三歲爲附子四歲爲烏頭五歲爲天雄蓋亦不然前子天雄漏籃三物本草皆不著

張華博物志。又云烏頭天雄附子。一物春秋冬夏味各異也。

宋楊天惠彰明附子記

芨爾雅云。堇草卽烏頭也。其類卽別。而說者紛紜。初種之母曰烏頭。如芋魁是也。其形似烏鳥之首。故以爲名。兩岐如烏開口者曰烏喙。亦取其似也。烏頭傍生者爲附子。附子傍生者爲側子。烏頭不生附子者爲天雄。極長大故。草經云。長二寸以上也。蜀人種之。最忌生此。草經云。春採爲烏頭。冬採爲附子。廣雅又云。一歲爲側子。二歲爲烏喙。三歲爲附子。四歲爲烏。

頭五歲爲天雄。今皆不然。但一歲下種。而有此五物。皆以冬至前布種。至八月採出。於蜀中而綿州彰明縣猶多附子。爲古藥之長。一名奚毒。世以烏頭天雄附子爲三建者。以此三物舊皆出建平故也。又宜都恨山者謂之西建。殊佳錢塘間者謂之東建。不及故日酉冰猶勝。東白烏頭日奚毒。日卽子。日良。日堇。日千秋。日毒公。日果負。日耿子。取其汁。日煎爲膏。日射网。射生者以傅矢。慘毒。

宋鄭夾漈昆蟲草木略

雙鸞菊。一名鴛鴦菊。卽烏喙苗花。開甚多。每朵頭若

僧帽拆此帽內露雙鸞並首形似無一外分二翼一尾春分根種明王蓋臣二如亭羣芳譜

雙鸞菊草本挺生花開多甚每朵頭若尼姑帽然拆去此帽內露雙鸞並首形似無二外分二翼一尾天巧之妙何肖生物至此根可入藥名曰烏頭春分根種明高濂遵

鴛鴦菊乃豆蔻花也其花類百合而小比牽牛花莖大紅紫色中心有雙鬚鬚之端爲雙鴛鴦之形其葉如菊葉而極大淮南十二月開花明王仲遵

花史左編

謹按豆蔻當作烏喙

附子出彰明赤水苗三四尺葉似石龍芮及艾花紫碧色冬至沃田豕糞種之明秋始茂其根生子如芋宋楊天惠記詳矣近年各處種之隔年發葉似菊三年始生子蓋烏頭沃種久之而大也灌以金汁其日奚毒卽雀芊非此種也雀芊之最大者海芋卽觀音蓮博物志交州俚子藥箭卽曝雀芊根射人沸爛飲月水及糞汁時有癰者射豬狗無恙以食糞也潛山中以射虎中德乙酉張獻忠亂蜀時附子至三四十金一枚中通日底平尖正者少皆刻木

盒以鹽浸，安木盒中印造之。彭飛雲日真彰明色，灰秦產，色白葉厚，生日鞏昌皆種烏頭，多年成附子，平涼一帶四月八臘八寺煮烏頭飯，衆益煮一晝夜，極熟則自無毒，揭蓋加水則不可食。河北咂酒皆以烏頭爲麴。○清曉

桐方氏物理小識

雙鸞菊一名烏喙花，發最多，每朵頭若尼姑帽，拆出此帽內露雙鸞，並首形似鷺，一外分二翼，一尾，天巧之妙，肖生至此。春分根種，根可入藥。○清陳淏子祕傳花鏡

附子山中名茅附，比蜀產者實小而氣劣，性大，多溼。

元劉大彬
茅山志

烏頭同上



